

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-9-1463/15
Sarajevo, 29.10.2015. godine

**DOMU NARODA
PARLAMENTA FEDERACIJE BIH**

Na 2. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 29.10.2015. godine razmatrane su sljedeće tačke dnevnog reda:

- 1. Prijedlog zakona o dopuni Zakona o Poreznoj upravi Federacije Bosne i Hercegovine - hitni postupak,**
- 2. Nacrt zakona o finansijskom poslovanju,**
- 3. Nacrt zakona o jedinstvenom Registru korisnika gotovinskih naknada na koje se ne uplaćuju doprinosi,**
- 4. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1 – 350 MW u periodu od 27.08.2015. godine do 12.10.2015. godine.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za ekonomsku i razvojnu politiku, finansije i budžet podnosi Domu naroda sljedeći:

IZVJEŠTAJ

- 1. Prijedlog zakona o dopuni Zakona o Poreznoj upravi Federacije Bosne i Hercegovine - hitni postupak**

Članovi Odbora upoznati su sa razlogom dopune postojećeg teksta zakona koji za cilj prvenstveno ima osigurati uslove za provedbu Zakona o finansijskoj konsolidaciji privrednih društava u Federaciji Bosne i Hercegovine i propisa donesenih na temelju tog zakona.

Imajući u vidu razloge dopune teksta zakona, **članovi Odbora jednoglasno su usvojili predloženi tekst zakona te predlažu Domu naroda da Prijedlog zakona o dopuni Zakona o Poreznoj upravi Federacije Bosne i Hercegovine razmotri i usvoji po hitnom postupku uz slijedeću:**

INICIJATIVU

Članovi Odbora predlažu Domu naroda da sugeriše Vladi Federacije BiH da u što kraćem roku predloži izmjene Zakona o finansijskoj konsolidaciji privrednih društava u Federaciji BiH (Službene novine Federacije BiH, broj 52/14) u smislu roka datog za konsolidaciju, a sve u cilju usklađivanja sa rokovima pokrića ostvarenog deficita iz prethodnih godina predviđenim Zakonom o budžetima u Federaciji BiH.

2. Nacrt zakona o finansijskom poslovanju

Predstavnik predlagača upoznao je članove Odbora sa ciljevima predlaganja i donošenja novih zakonskih rješenja. Istaknuto je da se na ovaj način doprinosi ispunjavanju obaveza iz Sporazuma o stabilizaciji i pridruživanju, a krajnji cilj je da se zakonski uredi izvršenje novčanih obaveza u poslovnim transakcijama, te time osigura pravilno funkcionisanje unutrašnjeg tržišta a istovremeno potiče i konkurentnost preduzeća. U raspravi je istaknuta primjedba na član 19. Nacrta zakona kojim se precizira ko vrši nadzor društava i javnih organa, te je sugerisano da nadzor nad primjenom odredbi ovog zakona vrši Federalna poreska uprava, umjesto Federalno ministarstvo finansija - Finansijska policija.

U skladu sa navedenim članovi Odbora predlažu Domu naroda da usvoji slijedeće:

ZAKLJUČKE

- 1. Prihvata se Nacrt Zakona o finansijskom poslovanju koji može poslužiti kao osnova za izradu Prijedloga zakona.**
- 2. Zadužuje se predlagač da organizuje i provede javnu raspravu u trajanju od 90 dana kako bi se što više stručnjaka i aktera uključilo u cilju izrade kvalitetnijih zakonskih rješenja.**
- 3. Zadužuje se predlagač da prilikom izrade prijedloga zakona ima u vidu sve primjedbe, prijedloge i sugestije koje će biti iznesene u javnoj raspravi uključujući i one iznesene na sjednici Doma naroda.**

3. Nacrt zakona o jedinstvenom Registru korisnika gotovinskih naknada na koje se ne uplaćuju doprinosi

Budući da sjednici nije prisustvovao predstavnik predlagača članovi Odbora, u skladu sa članom 50 Poslovnika o radu Doma naroda, nisu razmatrali Nacrt zakona o jedinstvenom Registru korisnika gotovinskih naknada na koje se ne uplaćuju doprinosi. Svoje eventualne primjedbe, prijedloge i sugestije članovi Odbora iznijet će na sjednici Doma naroda.

4. Informacija o aktivnostima na izboru strateškog partnera za finansiranje i izgradnju termoelektrane Banovići, blok 1 – 350 MW u periodu od 27.08.2015. godine do 12.10.2015. godine

Članovi Odbora su upoznati sa Informacijom o aktivnostima na izboru strateškog partnera za finansiranje i izgradnju termoelektrane Banovići, blok 1 – 350 MW u periodu od 27.08.2015. godine do 12.10.2015. godine i **predlažu Domu naroda da pomenutu Informaciju razmotri i prihvati uz Zaključke koje je predložila Vlada Federacije BiH.**

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je predsjednik Odbora Muhamed Kozadra.

PREDSJEDNIK
Odbora za ekonomsku i razvojnu
politiku, finansije i budžet

Muhamed Kozadra, s.r.